

Маҳбубий



18:10 / 13.03.2019 2846

Имом, муҳаддис, Марвнинг манфаатли олими, Абу Исо Термизийнинг “Ал-Жомеъ”ларини у кишидан ривоят қилган ровий Абул Аббос Муҳаммад ибн Аҳмад ибн Маҳбуб ибн Фузайл Маҳбубий Марвазий.

Саъид ибн Масъуд (Назр ибн Шумайлнинг шогирдлари), Фазл ибн Абдулжаббор Боҳилий, Абул Муважжаҳ ва бошқалардан ҳадис эшитганлар.

У кишидан Абу Абдуллоҳ ибн Манда, Абу Абдуллоҳ Ҳоким, Абдулжаббор ибн Жарроҳ, мавлолари Исмоил ибн Янол Маҳбубий ва бошқалар ҳадис ривоят қилганлар.

Имом Термизийнинг “Ал-Жомеъ”ларини эшитиш учун кўп толиби илмлар у кишининг ҳузурларига борардилар.

Шаҳарнинг бадавлат ва серсаховат шайхи эдилар. Тоғалари Абу Бакр Аҳвал битган ёзувлар асосида эшитган ҳадислари тўғри. Абу Исо Термизий билан учрашиш учун 265 йилда 16 ёшларида Термизга борганлар.

Ҳоким: “Эшитган ҳадислари саҳиҳ”, – деганлар.

346 йил Рамазон ойида вафот қилганлар.

Шогирдларидан охирги вафот қилгани – мавлолари Исмоил ибн Янол-дир. Исмоил ибн Янол ўз навбатида Абул Фатҳ Ҳаддодга у кишидан ҳадис ривоят қилишга ижозат берганлар.

«Машхур даҳолар сийрати» китобидан